



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

In dissecto corpore nihil fellis reperitur.

[urn:nbn:de:hbz:466:1-46083](#)

Romæ asperitatum frequentatione , perfectâ domestici ordinis obseruatione , assiduis animi exercitationibus , scientiarum virtutumque studio adeò macie extabuit , vt priscam sui similitudinem vix referret ; neque pingue quidquam corpusculo eius inhæreret , quin imò omentum ipsum , quo intestina continentur , quod adipe plenum vulgò esse solet , in eo repertum grandi macie torridum : quo colligebant anatomices periti , victurum eum diu non fuisse . Cor autem , cùm multo abundaret sanguine , argueretque , indole fuisse sanguineā , id quoque virtuti eius tribuendum est , quòd ab ijs vitijs propensionibusque abfuerit longissimè , quæ huiusmodi ferè constitutionis hominibus adhærescere consueuère.

Extractum est cor , seruatumque , ac post menses aliquot in Flandro-Belgium asportatum ; vbi venerationi habetur in Collegio Louaniensi . Templi Ædili cupidо incessit explorandi an placidissima illa suauitas , mansuetudoque Ioannis , ex ipso corporis habitu nasceretur . Quæsito ergo per Chirurgum felle , folliculus eius tam inanis repertus est , vt nec fellis indicium ullum supereffet ; quo nempe carere columbam hanc felicissimam decebat . Fuit denuò induitus vestibus , loculoque impositus ; ac sequenti die (qui Sabatius

tinus erat, perugilium Virginis assumptæ) tanti, præter ceteros, honoratissimorum hominum, Episcoporum, Præsulum, Aulicorum, illustriumque Matronarum conuentus ad videndum facti sunt, vt ante vesperum terræ mandari non permiserit eorum pietas ac religio singularis; ac tum deprehensum, non solum resectas ei vestium esse partes, sed vngues etiam, & capillos, vnumque digitum pedis, præterquam quod in discessu aliquid ei auferre singuli Reliquiarum loco conantur. Denique ut Sabbato natus, ita nocte Sabbati, ligneo tymbo compositus, inscriptione plumbeæ laminæ incisâ; Ædilis ipsius manibus recenti sepulchro, in Sacello beati Aloysij, in quo ad eum diem nemo conditus erat, tumulatus fuit; exinde in alterum commune sepulchrum translatus est ad Sacellum sanctæ Crucis, in quo annos olim aliquot iacuerat B. Aloysij corpus.

Protinus accensa est multorum pietas ad inuocandam eius in rebus aduersis opem, cœpitque visitantium honorantiumq; cursu tumulus frequentari; ac manè quotidie à viris matronisque religiosis, ipso cursus tempore, floribus herbisque odoriferis aspergebatur. Fuere initio Viri illustrissimi, qui super sepulchro eius genibus nixi orabant, saxumque exosculati, aliquid sibi

O 3 Reli-